



UNIVERSITÄTS-
BIBLIOTHEK
PADERBORN

Analysis Methodica Ivris Pontificii

Venator, Daniel

[S.l.], 1579

VD16 V 541

De Praesumptionibvs. Titulus XXIII.

[urn:nbn:de:hbz:466:1-63204](https://nbn-resolving.org/urn:nbn:de:hbz:466:1-63204)

Titulus XXIII.

Continuatio.

Praesumptio, quasi legis opinio, nisi contrarium probetur, vel etiam quandoq; contraria probatione non admitta, probationem facit, & iudicem in formanda sententia instruit, c. literas, extr. de eo quod metus causa, & tot. tit. de praesump.

Quid est Praesumptio?

Alciatus in Tractatu, De praesump. ita definit. Ut sit probabilis coniectura, ex certo signo proueniens, quae, alio non adducto, pro veritate habetur.

Quotuplex Praesumptio?

Quidam triplicem statuunt, scilicet, praesumptionem iuris & de iure, praesumptionem iuris, & praesumptionem facti. Sed Specul. & Bal. in addit. tit. de praesump. quadruplicem ponunt, temerariam, probabilem, violentam, & necessariam. Quae diuisio Canonibus magis videtur conuenire, c. adferte, c. literis, & c. literas, extr. eod.

Quid est Temeraria?

Praesumptio temeraria est, vana quaedam hominis opinio, ex causis vilibus & leuibus proficiscens: vt, quia videt quis adolescentem salutare aliquam, statim praesumit, ipsos in rebus illicitis conuersari, cum tamen dubia in meliorem partem

tem

tem sint interpretanda. Nec petulanti procacitatis lingua, in præiudicium alicuius bonæ famę finistrè diuulganda. Vnde, si presbyter amplexetur mulierem, præsumitur facere id causa benedicendi, vel ad pœnitentiam exhortandi, c. absit, 11. q. 3. c. in scripturis, dist. 96. Sed ab illa benedictione libera nos Domine, inquit August. Imò, ob fidem à clericis malè seruata, hanc præsumptionem exoleuisse, nō inconuenienter dici potest.

Quid est Probabilis?

Est verisimilis coniectura, ex certo signo proueniens, quæ, alio non adducto, pro veritate habetur, Alc. in Tract. de præsump. Quæ aliquando iuuatur legibus, & tunc vim probationis habet, nisi contrarium probetur. Et dicitur probabilis: quia plurium hominū opinione, ex multis causis & suspicionibus fama super his increfcente collecta inducitur. probabile enim, secundum Aristotelem est, quod omnibus aut pluribus, aut saltem sapientibus videtur, Bal. in addit. ad. Spe. tit. de præsump.

Quid est Violenta?

Violenta est, verisimilis probatio ex multis indicijs, vel ex vno multum efficaci & veritati proximo collecta. vt, si quis fugiat cum gladio sanguinolento, præsumitur vulnerasse, si aliud non appareat. Item si quis inuentus sit nudus cum nuda, solus cum sola, in eodem lecto iacentes, secretis locis & latebris, præsumitur, quod sint fornicati, c. literis, ext. eod. Item præsumitur, quod quis cognouerit mulierem, cum qua diu cohabitauerit, c. nec aliqua, 17. quæstio. 1. Item,

si quis ter denunciaret alicui, ne cum vxore sua lo-
 quatur, & hoc non attento, postmodum inueni-
 at eum cum ea loquentem, potest eum tradere iu-
 dici puniendum. Quia violentissima, malæ &
 detestandæ couersationis, præsumptio est, auth.
 vt liceat matri & auix, §. his quoq;, collat. 8. Item
 cancellato chyrographo, præsumitur liberatio
 debitoris, l. si chyrographum, ff. de probat. Præ-
 sumitur vxor, quidquid habet, de bonis mariti
 acquisiuisse. Quilibet præsumitur bonus, idone-
 us, integræ famæ, & c. nisi contrarium probetur.
 Atqui hæc præsumptiones violentæ, etiam dicen-
 tur præsumptiones iuris: putà, quia ius præsu-
 mit aliquid, sed non statuit ius super præsump-
 to, igitur per contrariam probationem possunt
 extenuari tales præsumptiones, Bal. in l. si duo pa-
 troni, ff. de iureiur.

Quid est Præsumptio necessaria?

Præsumptio necessaria communiter vocatur
 iuris & de iure. Et definitur ab Alci. in tract. de
 præsump. in prin. quod sit depositio legis ali-
 quid præsumptis, super præsumpto, tanquam
 sibi comperto statuentis. Dicitur autem ideò iu-
 ris & de iure, quia ius vehementer præsumit sic
 esse, vel non esse, & propter talem præsumptio-
 nem ius statuit super ea. Verbi gratia: si is, qui
 cum virgine per verba de futuro contraxit, cog-
 nouerit eam postea, ius certè statuit contra hu-
 iusmodi matrimonium præsumptum probatio-
 nem non admitti: Nam ex quo eam cognouit,
 intelligitur in eam consensisse, quauis cum ea non
 contraxerit per verba, de præfenti, c. is qui, extr.
 de

de spons. Idem est, si que inuita viro tradita post
consenserit in carnalem copulam, vteritis non
auditur, c. significauit, extr. de eo qui dux, in ma-
tr. quam pol.

Traduntur & alia præsumptionum diuifio-
nes. Quòd scilicet alia sit famæ, alia naturæ, alia
iuris, alia iuris & de iure, alia facti, alia qualita-
tis, alia iudicis, seu contumaciæ hominis, alia fa-
cti præcedentis vel subsequents: quæ tamen om-
nes sub quatuor recensitis præsumptionum spe-
ciebus, continentur.

Quæ est causa Efficiens?

Est ipsa lex & ratiocinatio hominis ex varijs
coniecturis orta. coniecturæ autem ex diuersis
personarum, rerum, locorum, temporum, & fa-
ctorum qualitatibus sumuntur.

Quæ est Præsumptionum Causa ex qua?

Ex varijs causis præsumptiones proficiſcun-
tur, scilicet, ex persona, loco, tempore, qualitate,
fuga, fletu, negligentia, obscuritate, euentu, quã-
titate, taciturnitate sequenti, inutilitate, famili-
aritate, dignitate, dilectione, societate, frequen-
tatione, & ætate, Bald. in addit. ad Spec. tit. de præ-
sump. & Spec. eod. tit. §. præsumptio est.

Quod est Obiectum?

Res verifimilis, instrumentorum solennita-
tes, qualitates personarum, facta incerta. Nam
quæ iuris sunt, non præsumuntur: quia ius sem-
per est certum, l. 2. ff. de iuris & facti ign. consilia,
C c 5 affe-

410 ANALYS. IURIS PONTIFICII
affectus, & signa tam necessaria quàm verifim-
lia.

Quæ Forma?

Forma præsumendi varia est. Aliam enim præsumptionem iure introductam lex iuris firmitate roborat, & pro veritate eam haberi, & quicquid contrà statuatur, præcipit: aliam, donec iusticiæ quæstio controuertatur, & contraria probatione eneruetur, suis viribus relinquit; non tamen super præsumpto ius statuit; Alia denique omni iuris adminiculo destituta, nuda hominis opinione, inducitur.

Quis Finis & Effectus?

Pro varietate præsumptionum, variis sunt effectus. Temeraria enim præsumptio nec semper probationi sufficit, nec mouere animum iudicantis debet, c. 1. 2. quæst. 1. c. oues pallorem, 6. q. 1. c. si quid verò, dist. 86. c. licet Heli, ext. de simonia. Probabilis præsumptio, quæ lege iuuatur, vim habet probationis, nisi cōtrarium probetur. Sed quæ lege non iuuatur, sed tantum in opinionibus hominum consistit, non probat per se, sed iuuat probationem sibi concordantem. Hoc est, licet per se iudicem non moueat ad pronunciandum, cum vno tamen teste, vel cum alia consimili præsumptione, plenam facit fidem, c. illud, ext. de præsumpt. c. item sæpè, 4. q. 3. & c. si duo, 35. q. 6. Mouet etiam iudicem ad deferendum iuramentum ei, pro quo est præsumptio, non autem eius aduersario, l. in bonæ fidei, C. de reb. cred. Et ad imponendam purgationem infamato præsumpto, c. sicut consuetudo,

tudo, ext. de probat. c. presbyter, 2. q. 5. & c. 1. & 2. ext. de purg. canon. Contra eam autem probatio in contrariū admittitur. Violenta præsumptio, quæ ex verisimili probatione fit, diciturq; præsumptio iuris, onus probandi in aduersariū transfert, diciturq; actus à iure præsumptus, eo ipso probari, quod non probetur contrariū. Vnde ea liquidissima probatio vulgò appellatur, l. licet Imperator, ff. de leg. 1. In criminib. tamē enormibus non nisi semiplenam probationē facit, quæ tantum ad torturā, non autē ad infligendā poenā capitalem, nullo adiuncto alio adminiculo, sufficiens est: nec per præsumptiones condemnatur quis sine probationibus, quæ in criminalibus luce meridiana clariores desiderantur, cūm sati^o sit, impunitū relinqui facinus nocētis, quā inno- centem condemnare, l. absentem, ff. de poenis, l. fin. C. de probat. c. literas, ext. eod. arg. c. nomine, 2. q. 1. c. quia verisimile, ext. de præsumpt. Est & huius præsumptionis iuris effectus quod aduersarium, qui contrarium probare nititur, duriore grauet probatione, adeo, vt nec ei semiplenè per vnū testem vel alio modo probanti, in supplementum probationis, deferatur iuramētum, Myns. obser. 68. cent. 5. per text. in l. vlt. & ibi gl. & Bald. ff. de eo quod metus causa. Deniq; necessaria præsumptio, quæ & iuris & de iure dicitur, plenā probationē facit, & pro veritate habetur, nec probationē in contrarium admittit, nisi per confessionem partis, restitutionem in integrū, & alia, quæ Alc. in Tract. de præsump. & Felin. in c. quanto, ext. de præsump. & Bald. in addit. ad Specul. remissiue recensent, tit. de præsumpt.

Qua

Quæ Cognata?

Omnes probationum species, & fictio iuris quæ nihil aliud est, quàm legis aduersus veritatem, in re possibili, ex iusta causa dispositio. Differunt tamé. Quia fictio fit aduersus veritatem præsumptio auté veritaté imitatur. Vnde dicitur lex falsum & certum fingit, sed verum & verum simile præsumit, Alc. in tracta, de præsump. in princip.

Quæ Adiacentia?

Veritas, confirmatio legis, possibilitas, verisimilitudo.

Quæ Pugnancia?

Notorietas rei, veritas in contrarium probata, iuris dispositio contraria, impossibilitas, certitudo facti. nam in claris & certis non est locus coniecturis, l. continuus, §. cum ita, ff. de verborum oblig.

AXIOMATA ET SENTENTIAE.

Quilibet præsumitur bonus & idoneus, nisi contrarium probetur, c. dudum, &, c. cum in iuventute, extr. eodem.

Ex præteritis præsumitur circa futura, c. mandata, &, c. scribam, extr. eod.

Ex vicinitate præsumitur notitia facti loci vicini, c. quosdam, &, c. quanto, extr. eod.

Qui ex duobus illatis alterum negat, reliquum affirmare præsumitur, c. nonne, extr. eod.

Quicumq; virtutibus studet, cum modestia continentia,

via, auditioni sapientum, obseruantia mandatorum Dei, maxime simplicitati & humilitati, is commendandus, c. ex studijs, extr. eod.

Conuersatio in adolescentia facit praesumptionem in senectute, d. c. ex studijs, extr. eod.

Praesumptio veritati cedit, praesumptio autem iuris & de iure ipsa veritas esse censetur, l. nuptura filio, ff. de iure dot. l. antiqua, C. ad S. C. Velleia.

Stante probatione pro aliquo, aduersarius, qui contrarium probare nititur duriori probatione grauatur, ad eod, vt nec ei semiplene probanti in defectum probationis iuramentum deferatur, c. quia verisimile, extr. eod. Myns. obser. 68. cent. 5.

Sicut manifeste nocens: ita & occultus poena obnoxius est, c. sicut, extr. eod.

Praesumitur semper in benigniorem partem, inquam, ipsa natura ratio & affectio ducit, c. estote, extr. de reg. iur.

DE IVRE IVRANDO.

Titulus XXIIII.

Continuatio.

IN probationum defectum, iusiurandum, quod litium expediendarum maximum remedium esse dicitur, defertur, c. etsi Christus, §. Iacobus, extr. eod.

Quid